



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-390-4/21**
Datum: **16.09.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BREZA-DOM“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda sa lokacije objekta betonare sa pratećim sadržajima, izgrađene u naselju Podlugovi, općina Ilijaš, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „BREZA-DOM“ d.o.o. Sarajevo daje se vodna dozvola za ispuštanje tehnoloških otpadnih voda sa lokacije objekta betonare sa pratećim sadržajima, izgrađene na zemljištu označenom kao k.č. broj 2471 K.O. Podgora I (novi premjer), što odgovara k.č. broj 916 K.O. Podgora I (stari premjer), u naselju Podlugovi, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole te u skladu sa uslovima iz ove vodne dozvole.
 - 3.2. Da korisnik poslovnog objekta za sve vrijeme trajanja ove vodne dozvole obezbjeđuje da se otpadne vode sa lokacije predmetne betonare sa pratećim sadržajima nesmetano sakupljaju putem slivnika sa slivnom rešetkom i odvođe do dvokomornog taložnika, a zatim prečišćene preko revizionog šahta, koji ujedno služi i kao monitoring okno, odvedu i ispuste u rijeku Stavnju.
 - 3.3. Da korisnik poslovnog objekta izgrađene objekte, a čija svrha je prikupljanje, odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Prikupljanje, odvoz i konačno zbrinjavanje otpada sa lokacije predmetne betonare sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.6. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije.
 - 3.7. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za

obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove vodne dozvole, pravno lice «BREZA-DOM» d.o.o. Sarajevo je dužno provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „BREZA-DOM” d.o.o. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda sa lokacije objekta betonare sa pratećim sadržajima, izgrađene na zemljištu označenom kao k.č. broj 2471 K.O. Podgora I (novi premjer), što odgovara k.č. broj 916 K.O. Podgora I (stari premjer), u naselju Podlugovi, općina Ilijaš. U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-18-000426 od 06.02.2018. godine;
- Ovjerena kopija uvjerenja o poreskoj registraciji, izdatog od strane Federalnog ministarstva finansija, Porezna uprava - Kantonalni ured Sarajevo, dana 24.09.2002. godine;
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPP/1-6288/07 izdatog od strane Uprave za indirektno-neizravno oporezivanje Banja Luka dana 01.08.2007. godine;
- Kopija Rješenja o odobrenju za građenje donesenog od strane Federalnog ministarstva prostornog uređenja i okoliša, broj: UP-I/02/2-23-2-81/03 dana 05.07.2004. godine;
- Kopija Rješenja o odobrenju za upotrebu donesenog od strane Federalnog ministarstva prostornog uređenja broj: UP-I/02/2-23-2-10/06 dana 26.06.2021. godine;
- Kopija Rješenja o VD donesenog od strane Agencije za vodno područje rijeke Save broj: UP-I/25-3-40-363-4/16 od 30.06.2016. godine;
- Kopija ugovora sklopljenog sa „DELTA PETROL” d.o.o. Kakanj dana 22.10.2020. godine;
- Izvještaj o ispitivanju kvaliteta (monitoring) otpadnih voda urađen od strane DVOKUTPRO Sarajevo, juli 2021. godine;
- Glavni projekat vanjskog uređenja betonare, urađen od strane „REA” d.o.o. Visoko, april 2003. godine (na uvid);
- Projekat betonskog taložnika sa preljevom čiste vode, urađen od strane „REA” d.o.o. Visoko, april 2003. godine (na uvid);
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20), ovaj organ je pokrenuo upravni postupak, te je dana 13.09.2021. godine

izvršen pregled predmetne lokacije betonare sa pratećim sadržajima „BREZA-DOM“, izgrađene u naselju Podlugovi, općina Ilijaš, o čemu je sačinjen Zapisnik o uviđaju broj: UP-I/25-3-40-390-2/21 dana 13.09.2021. godine.

Na osnovu izvršenog uviđaja na licu mjesta je utvrđeno:

Objekat predmetne betonare sa pratećim sadržajima izgrađen je na zemljištu označenom kao k.č. broj 2471 K.O. Podgora I (novi premjer), što odgovara k.č. broj 916 K.O. Podgora I (stari premjer), u naselju Podlugovi, općina Ilijaš.

U sklopu predmetne betonare nalazi se depo sa frakcijama i tri silosa za cement, upravna zgrada sa sanitarnim čvorom, nadstrešnica za smještaj i održavanje voznog parka i prateća infrastruktura. Uz lijevu obalu rijeke Stavnje izveden je betonski zid u cilju zaštite od plavljenja.

Snabdijevanje vodom za sanitarne potrebe objekata riješeno je priključkom na gradski vodovodni sistem.

Voda za tehnološke potrebe obezbjeđuje se preko pumpne stanice smještene uz lijevu obalu rijeke Stavnje. U pumpnoj stanici ugrađen je odgovarajući vodomjer.

Otpadne vode koje nastaju na lokaciji predmetne betonare od pranja vozila, miksera i opreme prikupljaju se putem slivnika sa slivnom rešetkom i internom kanalizacionom mrežom odvođe do dvokomornog taložnika, a zatim prečišćene preko okna za monitoring kanalizacionom mrežom odvođe i ispuštaju u rijeku Stavnju.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.ing.građ.

Dostaviti:

- „BREZA-DOM“ d.o.o. Sarajevo, Moševačka bb, 71 387 Podlugovi
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava